

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Promptvarii exequialis pars ...**

Continens centurias II. dispositionum, quibus themata funebria sive  
scripturae dicta varia ...

**Bidembach, Felix**

**Francofurti, 1625**

Thema LXII.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

huius sententiæ habet Paulus : Omnes se esse statuen-  
dos (darstellen) scil. ante faciem Christi Et hoc explicat  
nobis Paulus latius 2. Cor. 5. v. 10. Vide huius loci explica-  
tionem post, in Dispositione Thematibus LXIV.

F I N I S.

## T H E M A L X I.

2. Cor. 4. v. 17.

*Momentanea leuitas afflictionis, &c.*

DISPOSITIONEM huius Thematibus vide supra in I. parte  
Promptuarii Classe V. Num. 22. pag. 394.

## T H E M A L X I I.

2. Cor. 5. v. 1. vsque ad 6.

Scimus enim quod si terrenum domicilium nostrum  
huius tabernaculi destructum fuerit, ædificationem ex  
Deo habemus domicilium non manu factam, æternum in  
caelis. Nam & in hoc gemimus, domicilio nostro quod à  
caelo est, superindui desiderantes, si tamen induti, non nu-  
di reperiemur. Etenim qui sumus in tabernaculo hoc, ge-  
mimus onerati, propterea quod non volumus exui, sed su-  
perindui, ut absorbeat mortalitas à vita. Porro qui pa-  
rauit nos in hoc ipsum, Deus est, qui idem dedit nobis ar-  
rhobonem spiritus.

## D I S P O S I T I O.

Quod Paulus duobus verbis, Phil. 1. ver. 13. complecti-  
tur, copio dissolui: id ipsum hoc loco prolixè diducit desi-  
derium scilicet suum explicans emigrandi ex hac vita in  
cœlestem patriam. Illustrat quoque hanc rem eleganti si-  
militudine de tabernaculo, & ædificatione, &c. Multa et-  
iam notata digna concurrunt. Nos vero ordinis & me-  
morix causa hæc annotabimus.

I. Dicemus de tabernaculo huius vitæ siue terreno.

3. De

2. Deinde de domo cœlesti.

3. Quibus domus illa in cœlis parata sit & per quem?

I. Pars

1. Initio notandum quod corpus nostrum vocat domum sive domicilium. Imo quia est ruinosa domus *tabernaculo* (sive *Schäfer*) comparat. Eadem phrasi Petrus vitur, 2. Petr. 1. v. 14.

2. Addit, esse tabernaculum *terrenum*. Quia corpus ex terræ limo formatum, Genes. 2. v. 7. Ideo Paulus vocat *vasa testacea*, 2. Cor. 4. v. 7. Hiobus domos luteas appellat, Job. 4. v. 19.

3. Tertio accedit id quod Paulus *fragile* tabernaculum vocat. Quia cito destruitur. Sic Hiskia, Esa. 38. v. 12. Conuoluta est vita sicut tabernaculum pastorum.

4. In hoc tabernaculo tanquam ergastulo inclusa habitat animula hominis, magna cū molestia. Ideo Paulus: Dum hic habitamus, *gemimus*, ait. Et non sine causa gemimus, quia sumus *onerati*. Ideoque desideramus egredi ex hac domo ruinosa.

Vsvs huius loci erit, vt sæpius hanc nostram miseriam consideremus. Alioquin bifariam peccatur. Vel enim homines sibi promittunt longevitatem, & ex domo lutea conantur facere aeneam aut ferream, Vel dum grauantur variis morbis, mirantur vnde id fiat, & variis modis conantur stabilire valetudinem afflictam.

Qui vero cogitant de domo lutea mox ruitura, illi intelligunt id de quo se doceri vult Psalter: Psalm. 39. v. 6 & 7. & 93. v. 12.

Experientia testatur, hanc Pauli similitudinem esse corpori humano convenientissimam. Es bracht immer wie ein alte Hütten / die einfallen will. Vel genus concutit domum: vel inundatio: hoc est, variis morbi, destillationes, &c. nocent corpori. Concutitur etiam aliis aduersitatibus variis, præsertim ab ira Dei tanquam vento vrente.

Sulti igitur sunt, qui non cum Paulo hoc agnoscent & fingunt se habitare in petra firmissima Quid superbis? Syr. 10. v. 9.

### II. Pars.

Sit sane hæc domus terrena misera & fragilis, qui Christianus est, aliam expectat. Et de hac inquit Paulus. 1. Habemus ædificationem, scilicet firmiorem. 2. Non manu humana factam. 3. Sed à Deo exstructam. 4. Eamque æternam. 5. Vbi nam hæc? *In cælis* ait. 6. Et hoc *scimus*, inquit. Non speramus, aut dubitamus, sed certi sumus de hoc. Singula verba emphasis habent, & possunt latius explicari.

Sive autem per hanc ædificationem intelligamus corpora nostra futura gloriosa, vt respondeat antithesis priori tabernacula: sive sedem regni cælestis, pessinde est.

Hanc desideramus inquit: *Wir sehnen uns darnach*: & repetit: *Uns verlangt darnach*: vt sc. superindamur & contagemur illo domicilio cælesti: Gloria sc. illa cælesti, de qua Phil. 3. v. 21. conformia reddet nostra corpora corpori suo glorificato.

Addit tamen, quid desiderium nostrum perturbet quominus perfectum sit, etiam in renatis: hoc sc. quod malleminus non exui, sed tantum superindui. Hoc est, *Wir tönnen eben yngern inder das sterben*. Et optamus sine mortis interuentu, (sicut Enoch & Elias) commigrare in illud domicilium cælesti. Malleminus corruptionem sic tolli à vita, vt non necesse esset mori. Super hoc gemimus. At illud non nisi his contingit, quos nouissimus dies viuos deprehensurus est.

**I. D I S C I M V S** hinc, non idem cum Paulo sentire eos, qui mortem tantopere exhorrescunt: vt nolint mutare suam domicilium: sicut multi optant perpetuo viuere in his terris. *Lesßen Gott seinen Himmel gar æerne*. Hi vel nesciunt, quod habeant domum splendidissimam in cælis, à Deo factam: vel terrena ideo tantum sapiunt, quia præter ventrem Deum non habent, Phil. 3. v. 19. At illorum finis est interitus.

Nostrum

Nostrum vero hoc sit solatium maximum; quod scimus paratam nobis mansionem in domo patris, Joan. 14. v. 2. & paratam ab aeterno, Matt. 25. v. 34. Vbi *πατρίδων*, Philip. 3. v. 20. Magno tenemur igitur desiderio videndi caelestem patriam. Sumus enim hic tantum hospites & peregrini. Juxta hæc, Psal. 39. v. 13. & 119. v. 19. 2. Cor. 5. v. 6. Heb. 13. v. 14.

¶ II. Frustra optamus fieri immortales, & ingredi in regnum caelorum, absq; mortis interuentu. Et induet quidem mortalitas immortalitatem & corruptio induet incorruptibilitatem, 1. Cor. 15. v. 53. sed non prius, quam seminatum fuerit in terram, quod est corruptibile & mortale. Ibidem v. 42.

Quod enim Henoch & Elia illud contigit, singulare fuit Dei beneficium, Genes. 5. v. 24. & 2. Reg. 2. v. 11. Sie sind auch ander Leut gewesen als ich v. d. d. u.

Et contingent eadem his, qui sunt futuri superstites in die nouissimo, iuxta illud mysterium Pauli, 1. Cor. 15. v. 51. 1. Thess. 4. v. 17. ut prius experientur tanta mala in vita sua, quæ secum ferent illa exrema tempora (de quibus Christus, Matth. 24. v. 21.) ut non debeamus optare nobis eandem fortunam.

Patienter itaque feramus mortem; quæ est *via omnis* carnis, Jos. 23. v. 14. 1. Reg. 2. v. 2. Hanc ingressi sunt pûssimi Patriarchæ, Prophetae, Reges, Apostoli, Martyres. Imò ipse filius Dei.

So hegehre du nicht, daß dir eben Gott sollte etwas besondern machen.

## II Pars.

Dicit Paulus, Nos superinduos gloriae caelestis, & tegendos domicilio, quod de caelo expectamus, tanquam pretiosa veste.

Addit etiam in hac huius loci, Redificationem collapsi tabernaculi esse ex Deo. Is enim parauit nos, & elegit ab initio ut essemus hæredes regni caelestis, Eph. 1.

Reparavit etiam per Christum, & dedit a thabonem, spiritum scilicet testificantem quod sumus filii Dei, Rom. 8. vers. 16.

Non à nobis igitur, sed à Deo parata est gloria celestis. Iam ne dicat aliquis: *Da s'ichet aller Handel richtig expedirares est, si omnes ita sumus ornandi gloria celestis, quomodo cunque vivamus in terris?* Hic ergo Paulus addit restrictionē, quæ ostendit, quinā sint superinducendi domicilio celestis: aut quibus parata sit illa domus à Deo facta: dicens, *si modo induri & non nudi reperiemur.*

Vbi notandum est, in scriptura per nuditatem illam intelligi animum fide vacuum. Sicut introducitur ille carens veste nuptiali, Matth. 22. v. 12. Ita Apocal. 3. v. 18. dicitur, *nudus es, & cæcus.* Contra induti dicuntur fideles, qui induerunt Jesum Christum, vestem nuptialem, cum omni sua iustitia.

Hoc vult igitur Paulus, incredulos à gloria illa domicilii celestis plane exclusum iri.

**L O C U S.** Hoc itaque studiose agendum, ut non inveniamur in conspectu Dei nudi, hoc est, fide vacui. Videmus enim abiici eum, qui non fuit indutus veste nuptiali, Matth. 22. v. 13.

Ideo horratur Joannes Apoc. 3. v. 18. *Suadeo tibi ut induaris vestimentis albis.* Et Apoc. 7. v. 14. *Dealbandæ stolæ in sanguine agni.* Hoc est, induenda est iustitia Christi. Quomodo id fit?

1. In Baptismo, Gal. 3. Christum induisus, v. 27.
2. Quia autem sordidatur illa vestis peccatis, ideo opus est pœnitentiæ & fide. Insignis de hoc extat Pauli locus, Rom. 13. v. 12. 13. & 14.

Hi ambulabunt cum Christo in albis, Apoc. 3. v. 4.

F I N I S.

T H E M A L X I I I.

2. Cor. 5. v. 6. ad 10.

*Iraque bono animo sumus semper, & scimus quod cum domi*